

## Մ Ա Յ Ր Ա Թ Ո Ռ

Յուլիոսի 26-ին առաւօտեան 6<sup>1</sup>/<sub>2</sub> ժամին Նորին Վեհափառութիւնը դուրս եկաւ Ս. Էջմիածնից տողերիւ գրողի և խորէն էֆէնդու ուղեկցութեամբ փոքրիկ ճանապարհորդութիւն կատարելու համար: Ժամը 9-ն էր երբ Նորին Սրբութիւնը հասաւ Երևան, ուր առաջնորդարանում հանգստանալուց և ճաշելուց յետոյ ուղևորուեց Դարաչիչագ: Մինչև քաղաքի ծայրը Նորին Վեհափառութեան ուղեկցեց առաջնորդական փոխանորդ բարձր. տէր Կարապետ վարդապետը Վաչեան և Պանջուլազեան քահանաների հետ:

Գիշերուայ ժամը 10-ին Նորին Վեհափառութիւնը հասաւ Դարաչիչագ և իջևանեց երևանցի Դէորդ ազա Գէորգեանի տանը, որը ամբողջապէս ծաղկազարդել էին տեղս ամարանոց եկող և բնիկ հայերը: Հետեւեալ օրը Նորին Վեհափառութիւնը երեկոյեան դէմ գնաց եկեղեցի, Երևանի պ. Նահանգապետի հետ այցելութիւններ փոխանակեց: 28 և 29-ի գիշերները պատշգամբում խմբուած երկուսն երիտասարդութիւնը երգում էր:

30-ին առաւօտեան ժամը 8-ին Նորին Վեհափառութիւնը ուղևորուեց Ռանգամալ հայաբնակ գիւղը, ուր հանգստանալուց յետոյ դիմեց Սեան: Դարաչիչագից մինչև Սեան Նորին Վեհափառութեան ուղեկցում էր և Գէորգեան ընտանիքն՝ հետն ունենալով Վեհափառութեան համար հարկաւոր պատրաստութիւններ: Նորին Վեհափառութիւնը Սեանում միայն մի գիշեր մնաց, հետեւեալ օրը ամսի 31-ին ուղևորուեց Դիլիջան, ճանապարհին սկսուող և արդէն կամաց կամաց սաստկացող անձրևներից հարկադրուած՝ Նորին Վեհափառութիւնը որոշեց մնալ Սեմէօնովկա կայարանում, ուր հարկաւոր պատրաստութիւնները խսկոյն և եթ տեսնուեցան: Դիլիջանից Սեմէօնովկա էր շտապել երեք հոգուց բաղկացած մի պատ-

դամաւորութիւն, որը և խնդրեց Վեհին շնորհ տանել և Դիլիջան:

Օգոստոսի 1-ին առաւօտեան ժամը 8-ին Նորին Վեհափառութիւնը դուրս եկաւ Սեմէոնովկայից և 11-ին հասաւ Դիլիջան, որտեղից արդէն շտապել էին դիմաւորողները: Սեանից դուրս գալու միջոցին Նորին Վեհափառութիւնը Ս. Էջմիածնից ստացաւ մի հեռագիր, որով Տ. Ղեոնդ եպիսկոպոսը յայտնում էր Կոյսերադն թաղաժառանգ Ալէքսէյի ծննդեան մասին: Դիլիջանից Նորին Վեհափառութիւնը Նորին Մեծութիւն թաղաւոր Կոյսեր շնորհաւորական հեռագիր տուեց:

Վեհափառը Դիլիջանում իջել էր ինժեներ Եարալեանի տանը. այստեղ Նորին Վեհափառութեան ներկայացան տեղիս հասարակութեան առաջաւոր անդամները և շրջակայից եկած քահանաները:

Գիշերը մնաց այստեղ. միւս օրն ամսի 2-ին Նորին Վեհափառութիւնը ուղևորուեց Ղարաքլիսա առաւօտեան 8 ժամին: Վեհափառութեան մինչև 7 վերստ ուղեկցում էին քահանաներ և ուրիշներ, Ղարաքլիսային 6—7 վերստ մնացած երևացին ընդառաջ եկողների կառքերը և ձիաւորների խմբեր, որոնք, քանի գնացքը մօտենում էր քաղաքին՝ աւելի և աւելի ստուարանում էին: Մինչև 18 կառքեր էին դիմաւորել: Ղարաքլիսայի ծայրը հաւաքուած ժողովուրդը, որը կազմուած էր ամառանոց եկողներից և բնիկներից, ցնծալին կեցցէներով ընդունեց Նորին Վեհափառութեան և աղ ու հաց մատուցեց:

Վեհափառի համար պատրաստել էին եղբայրներ Եդիգարեանցների տունը: Այստեղ Նորին Մեծութիւնից ստացաւ Նորին Վեհափառութիւնը իւր տուած հեռագրի պատասխանը ցերեկուայ ժամը 2-ին: Ամսի 3-ին ժամը 7<sup>1</sup>/<sub>2</sub>-ին Ղարաքլիսայի կայարանում հաւաքուած էր մեծ բաղմութիւն, որ եկել էր Նորին Վեհափառութեան բարի երթ մաղթելու: Ժամը 8-ին Թիֆլիզից եկած գնացքը կեցցէներով ճանապարհ ձգեց այդ բաղմութիւնը գէպի Աղէքսանդրապօլ, ժամը 11<sup>1</sup>/<sub>2</sub>-ին գնացքը հասաւ Աղէք-

սանդրապօլ, այստեղ վազօնում Նորին Վեհափառութեան ներկայացան Գեր. Յովհաննէս եպիսկոպոս Շիրակունին Գաւառապետի օգնականը և քաղաքագլուխ պ. Տ. Աստուածատրեանը և ուրիշները: Դիմաւորելու համար հաւաքուած բազմութեան միջից անցնելով՝ Նորին Վեհափառութիւնը կառատօրմի առաջնորդութեամբ և ուղեկցութեամբ դիմեց յաջորդարան: Ղարաքլիսայից Նորին Վեհափառութեան ուղեկցում էր Սանահին վանքի վանահայր Գեր. Գարեգին եպիսկոպոս Սաթունեանը: Համաձուլ կայարանում Նորին Վեհափառութեան դիմաւորեց Բարձր Տ. Կարապետ վարդապետը, որ իւր թեմն էր շրջագայում: Սոքա երկունն էլ ուղեկցեցին մինչև Աղէքսանդրապօլ: Ամօի 5-ին Նորին Վեհափառութիւնը 12-ի գնացքով, որի հետ կար Նորին Վեհափառութեան համար պատրաստուած սալօն-վազօն, մեկնեց Ս. Էջմիածին, ուր հասաւ ժամը 7-ին:

Կարխուն կայարան էին եկել Նորին Ս. Օծութեան դիմաւորելու համար Գերապատիւ Ղեոնդ եպիսկոպոսը, Բարձր. Տ. Մխիթար, Տ. Բաբգէն և Տ. Զաւէն վարդապետները:

Աղէքսանդրապօլում Նորին Ս. Օծութեան բարի երթմաղթելու համար կայարան էին եկել Գաւառապետի օգնականը, քաղաքագլուխը և մեծ բազմութիւն. իսկ հոգեւորականութիւնից Գեր. Յովհաննէս եպիսկոպոսը, Բարձր. Տ. Կարապետ և Տ. Արսէն վարդապետները: Մինչև գրնացքի դուրս գալը՝ բոլոր հարկաւոր կարգադրութիւնները՝ Նորին Վեհափառութեան յարմարութիւն տալու համար՝ դաւառապետը անձամբ էր անում: Գեր. Սարգիս եպիսկոպոս Փիլոյեանը, որ Սեանայ վանքից միացել էր շքախմբին, Նորին Վեհափառութեան ուղեկցեց մինչև Ս. Էջմիածին:

Լեւոն աբեղայ.